

Tajuk : Tajuk : YNS Wujud Tabung Bantu Pelajar IPTA



Mohamad (tengah) **bergambar bersama pelajar anak Negeri Sembilan** di UNIMAS, semalam.

# YNS wujud tabung bantu pelajar IPTA

**Kuching:** Yayasan Negeri Sembilan (YNS) mewujudkan tabung kecemasan di beberapa institusi pengajian tinggi awam (IPTA) seluruh negara bagi memberi bantuan kepada pelajar kelahiran negeri itu.

Menteri Besar Negeri Sembilan, Datuk Seri Mohamad Hasan, berkata YNS memperuntukkan dana RM50,000 untuk disalurkan kepada pelajar terbabit yang berdepan kecemasan dan memerlukan ban-

tuan kewangan segera.

## Bantuan kewangan

"Tabung ini diwujudkan untuk memberi bantuan kewangan kepada anak-anak Negeri Sembilan yang datang dari keluarga kurang mampu.

"Bantuan ini boleh digunakan jika mereka berdepan masalah, antaranya ahli keluarga sakit atau meninggal dunia," katanya.

Beliau berkata demikian

pada sidang media selepas majlis perjumpaan dan makan malam mahasiswa anak-anak Negeri Sembilan (SEMANIS) malam kelmarin.

## Perjumpaan anak negeri

Seramai 250 pelajar Universiti Malaysia Sarawak (UNIMAS) dan 60 anak Negeri Sembilan yang bekerja di negeri ini menyertai majlis perjumpaan anjuran YNS itu.

Turut hadir, Naib Canselor UNIMAS, Profesor Datuk Dr Khairuddin Ab Hamid.

Terdahulu pada majlis itu, Mohamad mengumumkan pemberian RM10,000 kepada SEMANIS dan tabung kecemasan kepada UNIMAS.

Mengulas lanjut, Mohamad berkata, tabung itu sudah diwujudkan di beberapa IPTA termasuk Universiti Utara Malaysia (UUM) dan Universiti Sains Malaysia (USM).

## Diperluas ke IPTA lain

"Tabung ini akan diperluaskan ke seluruh IPTA yang mempunyai kumpulan anak Negeri Sembilan supaya mereka dapat menggunakan peruntukan ini jika berlaku kecemasan," katanya.

Sementara itu, Mohamad berkata, sejak 2005 Yayasan Negeri Sembilan sudah memberikan insentif sebanyak RM3.5 juta kepada 496 pelajar cemerlang di negeri itu.